



Broj predmeta: 13-001160/21
Broj akta: 01.1-1413EK-0013/21
Datum, 15.7.2021. godine
Mjesto, Brčko

Na osnovu člana 17. stav (2) Zakona o Vladi Brčko distrikta BiH («Službeni glasnik Brčko distrikta BiH», broj: 22/18- prečišćeni tekst, 49/18, 08/19, 10/19 i 32/19.), u skladu sa članom 25. Zakona o javnim nabavkama («Službeni glasnik BiH», broj 39/14), Zapisnika o pregledu i ocjeni ponuda, sa preporukom Komisije, broj: 13-001160/21 od 02.07.2021. godine, kao i Mišljenja Pravobranilaštva Brčko distrikta BiH broj: M-773/21 od 14.07.2021.godine, gradonačelnik Brčko distrikta BiH d o n o s i

ODLUKU O IZBORU NAJPOVOLJNIJEG PONUDAČA

Član 1.

U provedenom otvorenom postupku javne nabavke usluga izrade stručne ocjene stanja objekta otvorenih bazena za potrebe Odjeljenja za javne poslove Vlade Brčko distrikta BiH, izabran je najpovoljniji ponuđač kojem se dodjeljuje ugovor.

Naziv najpovoljnijeg ponuđača je: **„INSTITUT ZA GRAĐEVINARSTVO, GRAĐEVINSKE MATERIJALE I NEMETALE“ d.o.o. Tuzla.**

Vrijednost ugovora sa uračunatim PDV-om iznosi

23.868,00 KM.

Obrazloženje

Komisija za nabavke je utvrdila da su do momenta koji je bio određen za krajnji rok za dostavu ponuda dostavljene dvije ponude i to ponuđača: „Graditelj“ d.o.o. Brčko i „Institut za građevinarstvo, građevinske materijale i nemetale“ d.o.o. Tuzla. Sastavni dio odluke čini zapisnik sa otvaranja ponuda. U toku analize ponuda utvrđeno je da ponuđač „Graditelj“ d.o.o. Brčko nije dostavio dokumentaciju traženu tenderskom dokumentacijom. Stručna komisija imenovana ispred Odjeljenja za javne poslove je utvrdila da ponuđač „Graditelj“ d.o.o. Brčko nije ispunio uslove traženi tačkom 3.4.1 pod a), iz razloga što ponuđač nije dostavio potvrdu koja se odnosi na poslove usluge tehničkog ispitivanja, analize i savjetovanja iz oblasti visokogradnje (armiranobetonske konstrukcije) koja uključuje i ispitivanje kvaliteta ugrađenih materijala metodama sa i bez razaranja kao i statička i dinamička ispitivanja konstrukcija probnim opterećenjem te je samim tim navedeni ponuđač ocijenjen nekvalifikovanim, a njegova ponuda neprihvatljivom. Dalje je Komisija ustanovila da je ponuđač „Institut za građevinarstvo, građevinske materijale i nemetale“ d.o.o. Tuzla kvalifikovan, a njegova ponuda prihvatljiva i u skladu sa zahtjevima postavljenim tenderskom dokumentacijom i tehničkom specifikacijom. Izvršena je računska kontrola te je utvrđeno da je ponuda računski ispravna i potpuna. Sa aspekta mogućnosti da se radi o neprirodno niskoj cijeni ponude Komisija je ustanovila da u skladu sa Zakonom i podzakonskim aktima ne postoje elementi za sumnju na neprirodno nisku cijenu najpovoljnije ponude, jer je samo jedna prihvatljiva ponuda. Na osnovu svega navedenog, a uzimajući u obzir činjenicu da je ponuda najpovoljnijeg ponuđača u okvirima procijenjene vrijednosti nabavke, Komisija je dala preporuku o izboru najpovoljnijeg ponuđača u skladu sa kriterijumom najniže cijene.

Član 2.

Postupak je proveden na osnovu Odluke o pokretanju postupka javne nabavke broj: 13-001160/21 od 21.05.2021. godine i Obavještenja o nabavci broj: 1157-1-2-244-3-265/21 objavljenim na portalu javnih nabavki dana 27.05.2021. godine, specifikacije usluga i ponude najpovoljnijeg ponuđača.

Član 3.

Finansiranje navedene nabavke će se izvršiti iz kapitalnog budžeta Brčko distrikta BiH za 2019. godinu, Odjeljenje za javne poslove, Pododjeljenje za javne objekte, organizacioni kod 24030001, ekonomski kod 821200, pozicija: „Projektovanje i izgradnja multifunkcionalne sportske dvorane sa otvorenim i zatvorenim bazenom“, šifra projekta 10344.

Član 4.

Ova odluka stupa na snagu danom donošenja.

POUKA O PRAVNOM LIJEKU:

Protiv ove odluke zainteresovane strane imaju pravo podnijeti pismenu žalbu ugovornom organu dostavljanjem žalbe u najmanje tri primjerka u Odjeljenje za stručne i administrativne poslove, Pododjeljenje za javne nabavke Vlade Brčko distrikta BiH, u roku od 10 dana od dana prijema odluke.

DOSTAVITI:

1. Pododjeljenju za javne nabavke,
2. Ponuđačima,
3. Odjeljenju za javne poslove,
4. Gradonačelniku,
5. Zamjeniku gradonačelnika,
6. «Službenom glasniku Brčko distrikta BiH»,
7. Arhivi.



GRADONAČELNIK

Esed Kadrić

Kadrić